

econtra dijudicare, statuendo uidelicet locum Solis quidē in nativitate diurna filij, locum autem Saturni in nocturna, tanquam ascendentem patris, itemq; locum venoris quidem in genitura diurna, Lunæ autem locum in nocturna, pro ascendentem matris, hinc omnium domorum cœli eliciunt ordinem, accidentiaq; parentibus obuentura pronunciant &c. Cum itaq; figuram patris, uerbi gratia, erigere volueris, & Sol(nascente filio) fuit in ascendentate, non erit figura patris diuersa à figura filij. Si autem Sol in meridiano extiterit, adde ascensioni rectæ Solis 30 gradus, & habebis ascensionem rectam principij secundæ domus pro figura patris. Item ascensioni rectæ secundæ domus adde 30 gradus, & congregabitur ascensio recta principio tertiae domus debita. Sic etiam ascensioni rectæ tertiae domus adde 30 gradus, id est, ascendens filij erit quarta patris, reliquas tres domos quære in quarta occidentali per continuam subtractionē 30 graduū à loco Solis, decimæ scilicet domus & habebis ascensiones rectas duodecimæ, undecimæ & decimæ domorū. Quibus ascensionibus applica circulum positionis(globo sic fixe stante)& gradus Zodiaci sic inuenti, erunt initia domorum secundum positionem circuli positionis, ut supra.

Sole autem in angulo occidentis constituto, cuspides domorum in figura patris, nō differunt à cuspidibus domorum filij, uerum aliud erit principium numerationis domorum, septima enim filij, erit prima patris, octaua autem filij, pro secunda patris accipietur, & ita de reliquis ex ordine. Quod si Sol in genitura filij angulum terræ occupauerit, non aliter quam si in medio cœli esset, operabimur. Significatore autem paterno nullum dictorum angulorum tenente, eleuationem poli borealis supra circulum positionis, in quo facit significator, qui circulus horizon etiam significatoris appellabitur, per præcedentem addiscas. Deinde eleua globum mediante armilla meridiana, ita ut polus mundi arcticus sit supra horizontem tot gradibus eleuatus, quot gradibus polus mundi arcticus supra eundem circulum positionis fuit, eleuatus: globo ita eleuato, pone locum significatoris patris ad contactum horizontis orientalis, & eum ita custodi inuariatum, accipiendo ibidem ascensionem obliquam significatoris, id est ascendentis, à qua subtrahe 30 gra. & habebis ascensionem obliquam, duodecimæ domus. Item ab hac ascensione obliquæ duodecima subtrahe iterum 30 gradus, & residuabis ascensionem obliquam undecimæ domus, reliquas ascensiones reliquarum trium domorum habebis per continuam subtractionem 30 graduum in quarta occidentali. Quibus ascensionibus applica circulum positionis(globo tamen fixe persistente)& gradus Zodiaci sic inuenti, erunt initia domorum secundum positionem semicirculi positionis. Si autem significator patris fuerit in quarta cœli occidentali, accepta eleuatione poli supra horizontem eius, eleua globum mediante armilla meridiana, ut supra, & quæræ descensiones obliquas ad horizontem hunc, & procede, ut supra dictum est. Si autem significator fuerit sub terra, operare ex oppositis partibus. In exemplo: Sit genituræ alicuius filij primogeniti ascendens 16 gradus Libræ, in regione habente latitudinem 49<sup>1</sup>/2 graduum, Sole existente in 70 gradu Leonis, polus mundi arcticus est eleuatus supra circulum positionis eo locato, in 20 gradu Leonis 24 ferè gradibus, iuxta hunc 24 gradum eleuo globum mediante armilla meridiana, & dirigo gradum Solis 20. Leonis pro ascidente, ad contactū horizontis orientalis ibidē, accipiendo ascensionem eius obliquam, quæ est 136 gradus ferè, à qua ascensione subtraho 30 gradus, & remanent 106 gradus pro ascensione obliqua duodecimæ domus patris. Item ex ascensione obliqua duodecimæ minuo 30. gradus, remanent 76. pro ascensione obliqua undecimæ, à qua demum subtractis 30. manent 46. pro ascensione recta decimæ domus, à qua etiam subtractis 30 gradibus, remanebunt 16 gra. pro ascensione obliqua nonæ domus, à qua etiam etiam deductis 30 gradibus, manent 346 pro ascensione obliqua octauæ domus. Ex illis ascensionibus reperio mediante circulo